

من سنتين

انا زي الوقت و من سنتين
كنت في ضيقه
كنت بخبط بدماغي في حيط
و مكنتش فايق للاشعار
انا كنت مسلم روعي إيجار
للبنى ادمين
و اهو فات سنتين
الوقت بيجري و يسحلنا
معرفش دي ميزه و لا ده عيب
بمرور الوقت بزيد خبره
بمرور الوقت بزيد كرايب

و يعدي العمر سنين و صور
و هدوم و حاجات جوه الدواليب
انا كنت كئيب؟!
و الله انا عمري ما كنت كئيب
و اهو فات سنتين فوق السنتين
فوق السنتين
طب ذمه و دين
انت مصدق؟
اللى انتهى يوم ممكن يبدأ
و انا خمرة روعي بتتعتق
جوه أزايز
مش حمل يطرقعها المجانين
و برغم سعادتي انا لسه حزين
انا كنت فكاهي لحد ما مش فاكر امتى
بس انا فاكر ألساتي زمان

ایوه انا فاکر .. انا کنت انت
کنت في سنک او یمن اکبر او اصغر
انا شکلي نسیت!!
و لا اتخضیت
بس انا عدیت فی بحور جافه
لفیت لفه
لفیتها لحد ما منها زهقت
تعبت و دوخت و روحت و جیت
ریحت نشفت جریت و وقفت
عرقت غرقت
بقیت اخرس و اطرش زفه
تفتکر ان انا ممکن لسه
راح اطب و هوزن فی الکفه
یمنکن .. جایز
یمنکن عایز

لو ينفع ارجع ل اللفه
راح اشيل من فوق وسطي البطاطين
و العب حافي تحت المطرة
ترقص رجليا فى وسط الطين
من غير ما هخاف
من غير ما هحاول اتدفي
من غير ما هشيل هم لبكره
و كمان سنتين